



САМУРДИН

ССС

ГОЛОС САМУРА

«Магъарамдхуьруьн район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 45 (7972) киш, 9-ноябрь, 2019- йис. Къимет 6 манат

**10 - ноябрь Россиядин Федерациядин
къенепатан крарин органрин
къуллугъчийрин югъ я.**

ТЕБРИК

ГЪАР ЙИСАН 10- ноябрдиз чи уьлкведа РФ-дин полициядин югъ къейдзавай. Амма 2011- йисалай РФ-дин Президентди 2011- йисан 13- октябрдиз къабулай 1349- нумрадин къарардин бинедаллаз и югъ «РФ-дин къенепатан крарин органрин сотрудникдин югъ» лишандик кваз къейдзава.

«Магъарамдхуьруьн район» МР-дин руководство ва райондин СМИ-ди общественный хатасузвал, къайда-низам хуьнин карда гъакъисагъвилелди зегъмет члугвазвай Россиядин МВД-дин Магъарамдхуьре авай полициядин отделдин вири работникриз чпин профессиональный сувар мубаракзава, къуй квехъ идалай къулухъни четин, амма важиблу кеспида лайихлувилелди зегъмет члугвадай чандин мягъкем сагъвал ва къвалера бахт, берекат хъурай!.

Ф. З. АГЪМЕДОВ,
«Магъарамдхуьруьн район» МР-дин
Администрациядин къил.

Игит риклел хкана

2-3- НОЯБРДИЗ Магъарамдхуьре спортдин школадин залда Советрин Союздин Игит Абас Исрафилован экуь къамат риклел хкуниз талуькарна азаддиз къуршахар къунай турнир киле фена.

Турнир ачухунин мярекатдал «Магъарамдхуьруьн район» МР-дин Администрациядин къил Ф. Агъмедова, райондин карханайринни идарайрин жавабдар работникри, РД-дин физкультурадинни спортдин Министерстводин управлениедин начальник Халидбег Махачева ва патарай атанвай гзаф мугъманри иштиракна.

→ 8

ЧІЕХИ ГЪАЛИБВИЛИН 75 ЙИСАН ЮБИЛЕЙДАЛДИ 5 ВАРЗ АМА



БАТАНДИН Чіехи дяве башламишайла Магъарамдхуьруьн район гъеле тешкилнавачир. Вири хуьрер Кыасумхуьруьн (Сулейман-Стальский) райондик акатзавай. Дяве башламишайдан гъакъиндай гайи хабарди виридак къалабулух, секинсузвал кутуна. Инсанри фашистрин Германияди хаинвилелди, намердвилелди гъужум авунай чпин ажугълувал къалурзавай ва немсерин фашистрин чапхунчийрихъ галаз вири халкъдин женгиник акахъиз гъазур тирди малумарзавай. Фашистрин алчахвили ажугъламишнавай яшлубуруни, жегъилрини чеб гуьгъуьллувилелди фронтдиз рекъе тун патал арзаяр гваз райвоенкоматдин ракларихъ йикъар-йифер акъудзавай.

1943- йисан 1- декабрдиз важиблу вакъиа киле фена. ВКП (б)-дин Дагъустандин обкомдин къарардалди Магъарамдхуьруьн район тешкилна. И вакъиади фронт ара датіана чан алай къуватдалди ва суьрсетдалди таъминарунин къвалах хейлин къезиларна.


Ватандин Чіехи дяведин фронтра райондин чіехи саки вири агъалийри женг члугвазвай. Хуьрер ичлі хъана. Хуьруьн майишатдин къвалахрин вири пар сифте нубатда дишегълийрин, гъакі къуьзубурун ва къвачи чил къунвай аялрин къуьнерал аватна. А члавуз лап тімил агъалияр авай чи райондай фронтдиз 2500 касдилай гзаф рекъе гъатна. Абурукай 1800-дахъ агакъна районэгълийр Ватандин Чіехи дяведин женгерин майданра жуьрэтлувилелди телеф хъана.

(Къаті къведай нумрада).



ЧИЕХИ ГЪАЛИБВИЛИН
75 ЙИСАН ЮБИЛЕЙДАЛДИ
5 ВАРЗНИ 7 ЮГЪ АМА





Х А Б А Р А Р

--	--

--	--

Игит риклел хкана



1 ←

Турнир сифте гаф рахуналди Фарид Агмедова ачухна ва ада мугъманриз, жегъил спортсменриз чухсагъул малумарна. Гуъгъунлай рахай вирибуру сад хъиз чи райондин тарихда физкультуради ва спортди кьетлен чка къазвайди, райондихъ спортдин рекъе жезвай агалкьунар аквадайбур тирди, вири и агалкьунар муниципальный райондин Администрациядин кыл Фарид Агмедова районда спорт вилик тухуниз члехи фикир гунин нетижа тирди лагъана.

Турнирда республикадин шегъеррай ва районрай атанвай командайри иштиракна.

Турнирда гъалиб хъайи вири спортсменриз кубокар, дипломар, медалар ва пулуни премияр гана.



Сигъ алакъада а в а з



АДЕТ ХЪАНВАЙ-ВАЛ, гъар йисуз чи уьл-кведа 10- ноябрдиз къайда хуъзвай органрин сувар яни полициядин югъ яз шад гъалара кьейд ийизва. И къуллугъди чи виридан уьмуьрда кьетлен роль къугъвазва. Къуллугъдин важиблувал йис йисандавай хкаж жезва. Амма хаталувални артух жезвайдал са шакни алач.

И суварин вилик чи редакциядиз, Буткъаз-майрин хуьрай тир, лайихлу пенсияда авай зегъметдин ветеран Расулов Исмаил халу мугъман хъана. Уьмуьр акунвай яшлу инсанди са къадар ихтилатар авурдалай гуъгъуьниз, полициядин работникрикай ихтилат кватна.

-Эхиримжи йисара, къуллугърихъ инсанрин ихтибар са къадар квахънаватлани, чпин везифаяр намуслувилелди тамамарзавай къайда хуъзвай органрин са жерге работникрикай рахун тавун ягъалмишвал жеда. Чи хуьре участковый яз, чкадин райотделдин къуллугъчи, полициядин капитан Гъажималиков Самрата кваллахнай. Вичин везифайрив жавабдарвилелди эгечлай, агъалийрихъ галаз сигъ алакъада хъайи ада са куьруь вахтунда гуььрмет ва ихтибар къазанишна. Агъалийрихъ галаз гъамиша алакъада аваз, карчивилелди гъавурда тунин кваллахар тухвана. Алай вахтунда Самрата Советск хуьре участковый инспектор яз кваллахзава. Чна шадвал ийизвай кар ам я хъи, гъадан чкадал чаз атанвай Магъамедов Умарани вичин кваллах гъа къацла аваз давамарзава. Заз ихътин кьегъал рухвайриз чухсагъул лугъуз кланзава,- акъалтарна вичин ихтилат ветеранди.

- Гъакни заз, суварин вилик къайда хуъзвай органрин вири работникриз чпин сувар мубаркиз кланзава, къуй квехъ кваллахдин рекъе еке агалкьунар ва хизанра хушбахтвал хуьрай,- лагъана Исмаил халуди.

Исмаил халудин гафариз къуват яз, чнани райондин полициядин отделдин работникриз абурун пешекарвили сувар рикин сидкъидай мубаракзава. Къуй квехъ чандин мягкем сагъвал ва общественный хатасузвал хуьнин карда агалкьунар хуьрай.

Къилин редактор
А.А. ИСМАИЛОВ.

Редакциядин адрес:
368780. РД, Магъарамдхуьруьн район, Магъарамдхуьр, Ленинан куьче.

Газет гъафтеда садра акъатзава.

Учредитель: Администрация муниципального района «Магарамкентский район».

Адрес: 368780. РД, Магъарамдхуьруьн район, Магъарамдхуьр, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газетдин регистрацйадин нумра- Д 0174

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуьруьн район, Магъарамдхуьр, Ленинан куьче. Лезги члал.
Индекс 63340. Тираж 1400
Заказ № 45.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+